



Broj: 05-04-20-3731-7/26
Maglaj, 16.09.2026. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-3731-5/26 od 16.09.2026. godine, u postupku javne nabavke „Nadzor nad izvođenjem radova“, Općinski načelnik donosi

ODLUKU
o izboru najpovoljnijeg ponuđača

I

Prihvata se preporuka Komisije za javne nabavke i okvirni sporazum za nabavku usluga nadzora nad izvođenjem radova dodjeljuje se ponuđaču „ProTehnik“ d.o.o. Istočno Sarajevo, u skladu sa ponudom broj 96-09/26 od 10.09.2026. godine, po ukupnoj cijeni od 11.282,05 KM bez PDV-a, odnosno 13.200,00 KM sa uračunatim PDV-om.

II

Izabrani ponuđač iz tačke I oslobađa se obaveze dostave dokumentacije koja je tenderskom dokumentacijom utvrđena kao dokumentacija koju dostavlja izabrani ponuđač, s obzirom da je ista dostavljena uz ponudu.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-3731-1/26 od 03.09.2026. godine, pokrenut je postupak javne nabavke „Nadzor nad izvođenjem radova“, putem konkurentskih zahtjeva za dostavu ponuda, s namjerom zaključivanja okvirnog sporazuma sa jednim ponuđačem na period od 12 mjeseci. Predmetna nabavka objavljena je na portalu javnih nabavki, Obavještenje o nabavci broj 1140-7-2-177-3-105/26 od 03.09.2026. godine. Sažetak obavještenja o nabavci objavljen je u „Službenom glasniku BiH“ broj 67/26.

Procijenjena vrijednost nabavke je 38.461,54 KM bez PDV-a, odnosno 45.000,00 KM sa PDV-om. Kriterij za dodjelu ugovora je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-1074/26 od 22.05.2026. godine (u daljem tekstu: Komisija). U toku postupka, Komisija je zaprimila pristigle ponude, izvršila

njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da je blagovremeno zaprimljeno osam ponuda, prema redoslijedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	“Ipsa institut” d.o.o. Sarajevo	Danijela Ozme 4, Sarajevo	11.09.2026. 08,50h	8744
2.	“Radis” d.o.o. Istočno Sarajevo	Jovana Dučića 16, Istočno Sarajevo	11.09.2026. 09,25h	8745
3.	“ProTehnik” d.o.o. Istočno Sarajevo	Vojvode Radomira Putnika 118, Istočno Sarajevo	11.09.2026. 09,25h	8746
4.	“Encos” d.o.o. Sarajevo	Put života bb, Sarajevo	11.09.2026. 09,25h	8747
5.	Institut za građevinarstvo “IG” d.o.o. Banja Luka	Kralja Petra I Karadorđevića 92-96, Banja Luka	11.09.2026. 09,45h	8749
6.	“Smajić-inženjering” d.o.o. Goražde	Zaima Imamovića bb, Goražde	11.09.2026. 09,45h	8750
7.	Project manager “AT&ŠE” d.o.o. Tešanj	Šije 18, Tešanj	14.09.2026. 07,54h	8802
8.	“Plus konsalting” d.o.o. Zenica	Zmaja od Bosne bb, Zenica	14.09.2026. 08,45h	8803

Komisija je, prilikom otvaranja ponuda, konstatovala da su zaprimljene ponude prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponuda, kako bi utvrdila da li iste ispunjavaju zahtjeve u pogledu ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom. Komisija je ocijenila prihvatljivim sve zaprimljene ponude.

Od ponuđača “ProTehnik” d.o.o. Istočno Sarajevo zatraženo je obrazloženje ponudene cijene, u skladu sa odredbama člana 66. Zakona o javnim nabavkama, člana 17. stav (7) tačka b) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), te člana 23. stav (5) Pravilnika o javnim nabavkama u Općini Maglaj, s obzirom da je Komisija utvrdila da je cijena predmetne ponude za više od 20% niža od cijene drugorangirane prihvatljive ponude. Ponuđač je blagovremeno dostavio traženo obrazloženje, u kojem je detaljno izložio faktore koji su uticali na formiranje cijene, uključujući troškove angažovanih tehničkih lica, kao i ostale troškove. Komisija nije imala primjedbe na dostavljeno obrazloženje, te je isto prihvaćeno.

E-aukcija u predmetnom postupku nije održana.

Komisija je rangiranje prihvatljivih ponuda izvršila u skladu sa kriterijem za dodjelu ugovora u ovom postupku nabavke (najniža cijena), te konačna rang-lista izgleda ovako:

r/b	Naziv ponuđača	Cijena / KM bez PDV-a (sa uračunatim popustom)	Cijena / KM bez PDV-a (sa uračunatim popustom)
1.	“ProTehnik” d.o.o. Istočno Sarajevo	11.282,05	13.200,00
2.	“Smajić-Inženjering” d.o.o. Goražde	14.923,08	17.460,00
3.	“Ipsa institut” d.o.o. Sarajevo	19.230,77	22.500,00
4.	Project manager “AT&ŠE” d.o.o. Tešanj	19.743,59	19.743,59*
5.	“Radis” d.o.o. Istočno Sarajevo	21.300,00	24.921,00
6.	“Encos” d.o.o. Sarajevo	23.076,92	27.000,00
	Institut za građevinarstvo “IG” d.o.o. Banja Luka	23.076,92	27.000,00
7.	“Plus konsalting” d.o.o. Zenica	28.974,35	28.974,35*

*ponuđač nije u sistemu PDV-a

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da okvirni sporazum za nabavku usluga nadzora nad izvođenjem radova dodijeli ponuđaču „ProTehnik” d.o.o. Istočno Sarajevo. Preporuka je, zajedno sa izvještajem o radu Komisije, dostavljena rukovodiocu ugovornog organa 16.09.2026. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, u skladu sa svojim ovlaštenjima i relevantnim propisima, detaljno obrazlažući svoje radnje u svim fazama postupka, zbog čega je ugovorni organ utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 5 (pet) dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Maid Suljaković

[Handwritten signature]

